

Библиотекин сән кӧдлмш

Мана библиотек 1952 джилӧс авн кӧдлджӧнӧ. Тиигхд энӱнд 2.000 шаху дегтр бӧӧдг билӧ. Ӗдгӧ цагт библиотект 14.500 дегтр бӧӧнӧ. Энӱнӧс 1.452 умшачнр, тедн дунд Хар газрт ӱвлзджӧх 700 колхозникуд дегтр авч умшцхана.

Библиотекин кӧдлӧчнр Сергиевская Т. болн Коломыцева Р. кеджӧх кӧдлмштӧн ик дурта. Энӱнд умшлгӧна конференц, литературн болн тематическ асхн болна. Сӱд ӧдрмӱдт «Судьба человека» гидг Шолоховин келврӧр; «Дальняя дорога» гидг Катерлин дегтрӧр умшлгӧна конференц кегдджӧнӧ.

Умшачнр дунд КПСС-н XXI хургин тускар цӧӧлтӧвр кегднӧ,

«Мана санан — Коммунизм», «СССР-н селӧнӧ эдл-ахун ӧслтин контролын то» болн нань чигн плакатмуд библиотекин кӧдлӧчнр белдв.

Хӧӧчнр дунд дегтр тархалгӧнд В. Назаренко шунлтта кевӧр кӧдлнӧ. Нег сарин дунд 11 колхозмудин хӧӧчнрив «Хӧӧчин библиотек» гидг дегтрӧр теткв.

КПСС-н XXI-ч хург уктдж, кеср малин хошмудар бӧӧх улсиг цаглань дегтрмӱдӧр теткдж, цӧӧлтӧвр келгӧнд библиотекин кӧдлӧчнр шунмгӧаггӧр орлицхана.

Н. ГЕРАЩЕНКО,

Черноземельск района библиотекин заведующ.